 DES MOINES, IOWA	Lub Chaw Ua Hauj Lwm-Phau Ntawv Qhia Dav: Ntsig Txog Txoj Cai	
	Hnub Pib: 06/2019	Nab Npawb.: Daim Qauv Ntawv
	Kev Saib Xyuas/Kho Dua Tshiab Zam Tag Los:	Phab ntawv 1
NCAUJ LUS:	Kev Sau Ntawv Nqi thiab Kev Sau Nqi	

I. TXOJ CAI


Broadlawns Medical Center (BMC) yuav sau cov ntawv nqi ncaj ncees rau cov kev saib xyuas kev noj qab haus huv rau cov neeg mob. Txhua tus neeg mob uas muaj nyiaj them taus yuav tsum tau them qee cov nqi saib xyuas mob nkeeg ntawm lawv tus kheej. Broadlawns Medical Center yuav siv ntau khauj ruam los sau cov nqi uas txog caij them rau ntawm cov neeg mob uas raug saib xyuas mob nkeeg.

II. LUB HOM PHIAJ

Lub hom phiaj ntawm txoj cai no yog sau txog cov tswv yim sau ntawv nqi rau Cov Neeg Mob uas raug saib xyuas mob nkeeg los ntawm Broadlawns Medical Center, thiab siv rau kev sau cov rau kis uas Cov Neeg Mob tsis tau them rau cov nqi saib xyuas mob nkeeg no. Cov neeg mob uas tuaj yeem them taus qee cov nqi ntawm cov nqi saib xyuas mob nkeeg rau lawv tus kheej yuav tsum tau yuav is saws las pab them rau cov nqi saib xyuas mob nkeeg rau lawv, thiab Broadlawns Medical Center muaj lub luag hauj lwm hais kom Cov Neeg Mob no them lawv cov nqi.

III. COV NTSIAB LUS

- A. **Kev Saib Xyuas Mob Xwm Txheej Ceev:** Raws li sau tseg rau hauv Txoj Cai Kev Kho Mob Xwm Txheej Ceev thiab Kev Siv Dag Zog (Emergency Medical Treatment and Labor Act-“EMTALA”), ib qho muaj mob uas tshwm sim ua tus mob loj, yog tsis mob siab kho kiag tam sim ntawd tuaj yeem ua rau Tus Neeg Mob muaj mob loj txaus ntshai, ua rau lub cev tsis taus, los sis ua rau tej khoom hauv nruab nrog cev ua hauj lwm tsis tau. Qhov no kuj suav txog tus poj niam cev xeeb me nyuam uas ua rau lub cev nruj.
- B. **Tsev kho mob:** Txoj Cai no yuav ua rau lub tsev kho mob uas muab kev saib xyuas mob nkeeg, thiab cov chaw kuaj mob sawv cev tam rau ntawm lub tsev kho mob no yuav tau sau cov nqi kuaj mob rau ntawm Cov Neeg Mob uas txog caij them lawm.
- C. **Kev Pab Nyiaj Txiag:** Yuav ua kom mus raws li Txoj Cai A-1006 Kev Pab Nyiaj Txiag Rau Kis Muaj Kev Puas Tsuj thiab Qhov Kev Pab ntawm Broadlawns Community Care, Kev Pab Nyiaj Txiag, cov tswv yim muab kev pab rau Cov Neeg Mob raug xam raws li kis xav tau nyiaj pab.
- D. **Kev Tsim Nyog Raug Kho Mob:** Yuav tsum kuaj mob thiab kho mob kom mus raws li qhov muaj mob ntawm Tus Neeg Mob, saib xyuas mob nkeeg raws li txoj qauv cai kuaj mob thiab kho mob kom tau raws li Tus Neeg Mob lub siab xav thiab ua kom muaj kev yooj yim rau Tus Neeg Mob los sis Tus Neeg Mob tus kws kuaj mob los sis tus kws zov mob, thiab muab hom kev saib xyuas mob nkeeg kom tau raws li Tus Neeg Mob lub siab xav thiab qhov nws them taus.
- E. **Kev Nqis Tes Sau Nqi Tshwj Xeeb (Extraordinary Collection Actions-“ECAs”):** Yuav tau nqis tes sau nqi los ntawm los sis sawv cev tam ntawm BMC rau ib Tug Neeg Mob uas nws yuav tau them cov nqi saib xyuas mob nkeeg, yog kev sau cov nqi no ntsig txog tej yam xws li nram qab no:
  - a. Kev ncuav los sis kev tsis kam lees, los sis kev thov kom them cov nqi uas tsis tau them yav dhau los ua ntej yuav muab kev saib xyuas rau qhov Tsim Nyog Raug Kho Mob. Nyob rau hauv kis zoo li no, BMC yuav tsis sau cov nqi uas yuav cuam tshuam txog qhov muab Kev Saib Xyuas Mob Xwm Txheej Ceev.
  - b. Ntsig txog txoj cai lij choj los sis txheej txheem kev sib hais raws txoj cai (cov ua piv txwv ntawm kev pib nqis tes ua muaj xws li sau daim ntawv ywv tej khoom muaj nqi ntawm tus neeg tshuav nqi, kev ywv vaj tse, los sis kev ywv cov nqi dag zog). Txawm li cas los xij, yuav tsis siv txoj cai no rau kis saib xyuas rau ib Tug Neeg Mob uas muaj feem neeg thib ib los sis muaj feem neeg thib peb sab nrauv twb them lawm los sis yuav npaj them cov

 DES MOINES, IOWA	Lub Chaw Ua Hauj Lwm-Phau Ntawv Qhia Dav: Ntsig Txog Txoj Cai	
	Hnub Pib: 06/2019	Nab Npawb.: Daim Qauv Ntawv
	Kev Saib Xyuas/Kho Dua Tshiab Zam Tag Los:	Phab ntawv 2
NCAUJ LUS:	Kev Sau Ntawv Nqi thiab Kev Sau Nqi	

nqi no xws li ib lub tuam txhab is saws las tshab los sis cov nyiaj them los ntawm tus neeg ua hauj lwm lub chaw ua hauj lwm. Raws li raug tso cai los ntawm Lub Xeev Iowa, thaum ib Tug Neeg Mob hais kom saib xyuas rau ib qho mob los sis raug mob, BMC yuav muab lub tsev kho mob uas them cov nqi ntawd rau feem neeg thib peb ua tus them, thiab daim ntawv ywv nqi no tsis yog ib qho ECA.

c. Kev foob hais kom them cov nqi rau kis sib foob tias tsis muaj ib kis nyiaj txaus them lawm tsis yog ib qho ECA.

F. **Cov Ntsiab Lus:** Cov ntaub ntawv uas sau txog cov ntsiab lus ntawm BMC Qhov Kev Saib Xyuas Mob NKeeg Rau Hauv Lub Zos thiab Txoj Cai Pab Nyiaj Txiag Rau Kis Muaj Kev Puas Tsua A-1006.

G. **Daim Ntawv Tshaj Tawm Cov Nqi Tom Qab Tawm Hauv Tsev Kho Mob:** Yuav muab daim ntawv tshaj tawm cov nqi rau Tus Neeg Mob tom qab muab kev saib xyuas mob nkeeg rau nws thiab nws twb tawm hauv tsev kho mob lawm.

H. **Lub Sij Hawm Thov:** Lub sij hawm thov kev pab yog pib rau thaum hnub muab kev saib xyuas mob nkeeg rau Tus Neeg Mob mus txog rau thaum tom qab kho mob tag (1) 240 hnub tom qab sau Daim Ntawv Tshaj Tawm Cov Nqi Tom Qab Tawm Hauv Tsev Kho Mob; (2) hnub kawg uas pub sau daim ntawv thov yog qhia rau hauv daim ntawv ceeb toom uas twb muab rau Tus Neeg Mob raws li sau tseg rau ntawm Tshooj IV.B.a.i ntawm txoj cai no lawm, los sis (3) hnub kawg xa lwm cov ntaub ntawv mus ntxiv.

#### IV. TXHEEJ TXHEEM NQIS TES SAU NQI

A. Broadlawns Medical Center yuav muab ntau feem kev xaiv kom tsim nyog rau Cov Neeg Mob uas tuaj yeem them taus lawv cov nqi. Txawm li cas los xij, BMC xav kom Cov Neeg Mob them cov nqi saib xyuas mob nkeeg raws li txog caij them nqi, thiab tsuas mus sau nqi rau thaum tsim nyog xwb.

B. BMC yuav tsis Nqis Tes Sau Nqi Tshwj Xeeb rau ntawm ib Tug Neeg Mob, kom nws cia li them cov nqi saib xyuas mob nkeeg ntawd, yog tsis tau Nrhiav Kev Pab Tsim Nyog rau Tus Neeg Mob kom nws paub txog feem Kev Pab Nyiaj Txiag thiab paub txog txheej txheem thov Kev Pab Nyiaj Txiag.


a. Kev Nrhiav Kev Pab Tsim Nyog muaj xws li txhua yam kev nqis tes ua los ntawm Lub Tsev Kho Mob xws li nram qab no:

i. Sau daim ntawv ceeb toom (thiab hais lus ceeb toom) mus rau Tus Neeg Mob tias yeej muaj Kev Pab Nyiaj Txiag, muab Cov Ntsiab Lus Tseem Ceeb qhia rau, txheeb xyuas txog qhov ECAs uas Lub Tsev Kho Mob yuav tau nqi tes ua yog tsim nyog, thiab qhia txog hnub kawg tom qab pom tias qhov ECAs yuav tsis yog sai dua 30 hnub tom qab hnub muab daim ntawv ceeb toom xa mus rau.

ii. Keb ceeb toom rau ib Tug Neeg Mob uas xa daim ntawv thov Kev Pab Nyiaj Txiag uas raug sau tsis tiav thiab qhia txog qhov yuav sau li cas thiab li raug zoo, thiab muab lub sij hawm kom tsim nyog rau Tus Neeg Mob sau ntawv thov. Lub Tsev Kho Mob yuav tsum sau daim ntawv ceeb toom no thiab muab cov ntaub ntawv ntsig txog chaw nyob, xov tooj qhia thiab yuav pab Tus Neeg Mob sau daim ntawv thov tiav.

iii. Yog Tus Neeg Mob xav daim ntawv thov Kev Pab Nyiaj Txiag mus rau thaum Lub Sij Hawm Thov ces lawv yuav tshuaj xyuas seb puas tsim nyog muab Kev Pab Nyiaj Txiag rau.

b. Yog BMC ncuas los sis tsis kam lees saib xyuas mob nkeeg vim saib raws li cov nqi uas tseem tsis tau them ua ntej dhau los, ces yuav tsum tau Nrhiav Kev Pab Tsim Nyog rau tus neeg mob. BMC yuav tsum muab ib daim ntawv thov FAP rau Tus Neeg Mob thiab ceeb toom tias yeej muaj Kev Pab Nyiaj Txiag thiab qhia txog hnub kawg uas yuav tau xa daim ntawv thov FAP kom pab them cov nqi saib xyuas mob nkeeg yav dhau los. Hnub kawg no yuav tsum tsis sai dua tom qab 30 hnub ntawm hnub sau daim ntawv ceeb toom tuaj

 DES MOINES, IOWA	Lub Chaw Ua Hauj Lwm-Phau Ntawv Qhia Dav: Ntsig Txog Txoj Cai	
	Hnub Pib: 06/2019	Nab Npawb.: Daim Qauv Ntawv
	Kev Saib Xyuas/Kho Dua Tshiab Zam Tag Los:	Phab ntawv 3
NCAUJ LUS:	Kev Sau Ntawv Nqi thiab Kev Sau Nqi	

los sis 240 hnub tom qab thawj hnub Tshaj Tawm Cov Ntawv Nqi Tom Qab Tawm Hauv Tsev Kho Mob kom them cov nqi saib xyuas mob nkeeg yav dhau los. Yog xa daim ntawv thov FAP uas raug sau tiav mus raws li cov sij hawm no, ces BMC yuav tsum tshuaj xyuas daim ntawv thov sai.

- C. BMC yuav tsis npaj sau cov nqi los ntawm Tus Neeg Mob tej khoom muaj nqi ub no uas raug zam raws li cov cai kev sau nqi ntawm lub xeev los sis tsoom fvv.
- D. Yog ib Tug Neeg Mob xa ib daim ntawv thov Kev Pab Nyiaj Txiag uas raug sau tiav mus thiab BMC ntseeg tias Tus Neeg Mob ntawd tsim nyog raug pab rau ntawm Medicaid, BMC yuav ncuu kev txiav txim txog qhov tsim nyog muaj cai raug pab kom mus txog thaum tom qab Tus Neeg Mob thov Medicaid thiab raug txiav txim tias nws tsim nyog muaj cai raug pab rau ntawm Medicaid.
- E. Yog ib Tus Neeg Mob tsim nyog muaj cai raug pab rau qhov Kev Pab Nyiaj Txiag, ces BMC yuav hais kom tso tseg Kev Nqis Tes Sau Nqi Tshwj Xeeb rau lub sij hawm 100 hnub, suav txij thaum thawj hnub Tshaj Tawm Cov Nqi Tom Qab Tawm Hauv Tsev Kho Mob ntawm Tus Neeg Mob, thiab yuav tsum muab hnub kawg qhia rau Tus Neeg Mob rau hauv daim ntawv ceeb toom uas raug sau tseg rau hauv Tshooj IV.B.a.i ntawm txoj cai no.
  - a. Yog Tus Neeg Mob xa daim ntawv thov Kev Pab Nyiaj Txiag uas raug sau tiav mus rau thaum ib Lub Sij Hawm Thov, ces Lub Tsev Kho Mob yuav tsum ncuu txhua kis ECAs, yuav txiav txim seb Tus Neeg Mob puas tsim nyog muaj cai raug pab rau Kev Pab Nyiaj Txiag, thiab ceeb toom rau Tus Neeg Mob txawm tias yuav muaj los yog tsis muaj Kev Pab Nyiaj Txiag.
    - i. Yog Tus Neeg Mob tsim nyog muaj cai raug pab rau qhov Kev Pab Nyiaj Txiag, tab sis tsis tsim nyog raug pab dawb, ces Lub Tsev Kho Mob yuav tsum sau ib daim ntawv tshaj tawm rau Tus Neeg Mob tias Tus Neeg Mob tshuav cov nqi ntawd.
    - ii. Yog Tus Neeg Mob tsim nyog muaj cai rau qhov Kev Pab Nyiaj Txiag, Lub Tsev Kho Mob yuav tsum tshwj tseg txhua kis ECAs yav dhau los tag nrho.
  - b. Yog Tus Neeg Mob xa daim ntawv thov Kev Pab Nyiaj Txiag uas raug sau tsis tiav mus raws li Lub Sij Hawm Thov, Lub Tsev Kho Mob yuav tsum ncuu txhua kis ECAs kom mus txog thaum Tus Neeg Mob sau daim ntawv thov Kev Pab Nyiaj Txiag tiav lawm thiab Lub Tsev Kho Mob yuav txiav txim seb tus neeg mob no puas tsim nyog muaj cai raug pab qhov Kev Pab Nyiaj Txiag, LOS SIS kom mus txog thaum Tus Neeg Mob tsis muab lwm cov ntaub ntawv xa mus pab txhawb ntxiv tom qab puv 240 hnub, suav txij thawj hnub Tshaj Tawm Cov Nqi Tom Qab Tawm Hauv Tsev Kho Mob, yeej sau hnub kawg tso rau hauv daim ntawv ceeb toom qhia rau Tus Neeg Mob uas sau tseg rau hauv Tshooj IV.B.a.i ntawm txoj cai no, thiab yog xa tom qab hnub kawg no lawm ces yuav tsis tsim nyog muaj cai rau qhov Kev Pab Nyiaj Txiag lawm.
  - c. Lub Tsev Kho Mob yuav pib siv ECAs yog Tus Neeg Mob tsis xa daim ntawv thov Kev Pab Nyiaj Txiag uas raug sau tiav mus rau thaum lub sij hawm 240 hnub, suav txij thawj hnub Tshaj Tawm Cov Nqi Tom Qab Tawm Hauv Tsev Kho Mob ntawm Tus Neeg Mob thiab yeej tau ceeb toom raws li txheej txheem lawm.
- F. Rau Cov Neeg Mob uas tau mus kuaj mob ntau zaus rau ntawm BMC, Lub Tsev Kho Mob yuav saib xyuas txog cov cai ceeb toom nyob ua ke rau hauv Txoj Cai no. Yog BMC xam tag nrho cov nqi saib xyuas mob nkeeg ntau zaus uas tseem tsis tau them los ntawm Tus Neeg Mob, yuav tsis siv ECAs kom mus txog thaum tom qab Lub Sij Hawm Thov rau kis saib xyuas mob nkeeg tshiab tam sim no.

Raug tso cai los ntawm Pawg Tuav Tswj Hauv Tsev Kho Mob rau thaum Lub Rau Hlis 18, 2019